



JABATAN MUFTI NEGERI PAHANG

TEKS KHUTBAH

Tajuk :

KEWAJIPAN MENYAMBUNG TALI PERSAUDARAAN

Tarikh:

14 MEI 2021M / 02 SYAWAL 1442H

Disediakan oleh :

Bahagian Rujukan Fatwa

Jabatan Mufti Negeri Pahang

KEWAJIPAN MENYAMBUNG TALI PERSAUDARAAN

02 SYAWAL 1442H /14 MEI 2021

أَحْمَدُ لِلَّهِ نَحْمَدُهُ وَنَسْتَعِينُهُ وَنَسْتَغْفِرُهُ. وَنَعُوذُ بِاللَّهِ مِنْ شُرُورِ أَنْفُسِنَا وَمِنْ
سَيِّئَاتِ أَعْمَالِنَا. مَنْ يَهْدِهِ اللَّهُ فَلَا مُضِلَّ لَهُ وَمَنْ يَضِلَّ فَلَا هَادِيَ لَهُ.

وَأَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ، وَأَشْهَدُ أَنَّ سَيِّدَنَا مُحَمَّدًا عَبْدُهُ
وَرَسُولُهُ. اللَّهُمَّ صَلِّ وَسَلِّمْ عَلَى سَيِّدِنَا مُحَمَّدٍ وَعَلَى آلِهِ وَأَصْحَابِهِ أَجْمَعِينَ.
أَمَّا بَعْدُ،

فِيَا عِبَادَ اللَّهِ، اتَّقُوا اللَّهَ وَأَوْصِيكُمْ وَإِيَّايَ بِتَقْوَى اللَّهِ فَقَدْ فَازَ الْمُتَّقُونَ.

Marilah kita bersama-sama meningkatkan ketakwaan kepada Allah Subhanahu wa-Taala dengan melaksanakan segala perintah dan meninggalkan segala larangan-Nya. Mudah-mudahan kita termasuk dalam golongan yang mendapat keredhaan Allah Subhanahu wa-Taala di dunia dan akhirat.

Sidang Jumaat yang dirahmati Allah Subhanahu wa-Ta'ala,

Sesungguhnya umat Islam adalah bersaudara tanpa mengira warna kulit, bangsa dan keturunan sebagaimana firman Allah Subhanahu wa-Taala dalam surah al-Hujurat ayat 10 :

أَعُوذُ بِاللَّهِ مِنَ الشَّيْطَانِ الرَّجِيمِ

﴿١٠﴾ إِنَّمَا الْمُؤْمِنُونَ إِخْوَةٌ فَأَصْلِحُوا بَيْنَ أَخَوَيْكُمْ^ج وَاتَّقُوا اللَّهَ لَعَلَّكُمْ تُرْحَمُونَ

Yang bermaksud : “*Bahawasanya orang yang beriman itu adalah bersaudara, maka damaikanlah antara dua saudara kamu (yang bertelingkah) itu; dan bertaqwalah kepada Allah semoga kamu beroleh rahmat.*”

Islam melarang umatnya memutuskan hubungan persaudaraan. Dengan itu hendaklah kita mengasihi saudara sesama Islam. Sabda Rasulullah Sallallahu Alaihi Wasallam yang diriwayatkan oleh Iman al-Bukhari:

لَا يَدْخُلُ الْجَنَّةَ قَاطِعٌ

Yang bermaksud : “*Tidak masuk syurga orang yang memutuskan silaturrahim.*”

Sidang Jumaat yang dirahmati Allah Subhanahu wa-Ta’ala,

Dalam suasana kegembiraan menyambut dan merayakan Aidilfitri ini, marilah kita memperkukuhkan hubungan tali persaudaraan sesama jiran tetangga dan sahabat handai serta mengeratkan hubungan silaturrahim sesama ahli keluarga dengan melakukan amalan berziarah dan memohon ampun antara satu sama lain. Bawalah anak dan ahli keluarga bersama ketika kita berziarah dan jadikanlah ia sebagai amalan dalam kehidupan. Jangan biarkan anak-anak lalai dengan keseronokan bermain gajet atau permainan elektronik serta

menonton rancangan televisyen sehingga tidak berkesempatan untuk berziarah jiran tetangga dan sanak saudara.

Ingatlah sidang Jumaat sekalian, kecuaiannya kita menghubungkan tali persaudaraan bermakna kita telah mengabaikan perintah Allah Subhanahu wa-Taala dan Rasul-Nya. Sabda Rasulullah Sallallahu Alaihi Wasallam yang diriwayatkan daripada Abi Hurairah r.a. oleh Imam Muslim yang bermaksud :

“ Demi jiwaku yang berada di tangan-Nya, kamu tidak akan masuk syurga sehingga kamu beriman, dan kamu tidak akan beriman selagi tidak berkasih sayang.”

أَعُوذُ بِاللَّهِ مِنَ الشَّيْطَانِ الرَّجِيمِ

وَالَّذِينَ يَنْقُضُونَ عَهْدَ اللَّهِ مِنْ بَعْدِ مِيثَاقِهِ وَيَقْطَعُونَ مَا أَمَرَ اللَّهُ بِهِ أَنْ يُوصَلَ

وَيُفْسِدُونَ فِي الْأَرْضِ أُولَئِكَ لَهُمُ اللَّعْنَةُ وَهُمْ فِي سَاءِ الْمَوَاقِعِ ﴿٢٥﴾

Yang bermaksud : “Orang yang merosakkan janji Allah setelah diikrarkan dengan teguh dan memutuskan apa-apa yang Allah perintahkan supaya dihubungkan dan mengadakan kerosakan di bumi, orang itulah yang memperoleh kutukan dan bagi mereka tempat kediaman yang buruk (Jahannam).”

بَارَكَ اللهُ لِي وَلَكُمْ فِي الْقُرْآنِ الْعَظِيمِ، وَنَفَعَنِي وَإِيَّاكُمْ بِمَا فِيهِ مِنَ الْآيَاتِ وَالذِّكْرِ الْحَكِيمِ،

وَتَقَبَّلَ مِنِّي وَمِنْكُمْ تِلَاوَتَهُ، إِنَّهُ هُوَ السَّمِيعُ الْعَلِيمُ. أَقُولُ قَوْلِي هَذَا وَأَسْتَغْفِرُ اللهَ الْعَظِيمَ

لِي وَلَكُمْ، وَلِسَائِرِ الْمُسْلِمِينَ وَالْمُسْلِمَاتِ، وَالْمُؤْمِنِينَ وَالْمُؤْمِنَاتِ، فَاسْتَغْفِرُوهُ إِنَّهُ هُوَ

الْغَفُورُ الرَّحِيمُ.